

汝等沐浴既周水冠悉具畢獨獨獨獨復清
虛然須整飾魂儀來臨法會當使水除業垢
解釋三世之愆頻生陽輝昇入九天之路各
宜抵肅以待昇遷

次法師回向

即將向來沐浴功德無量無邊並用蕩滌一
切衆生結節根塵普令清淨為如上緣念
大聖元始天尊太上大道君太上老君不可
思議功德
无上黃籙大齋立成儀卷之二十九

无上黃籙大齋立成儀卷之三十

太上執法仙士蒞叔與

科儀門

靈寶普度大齋加持斛食儀法師自誦
交郭舉光明頌迴遠交郭
一周次道衆序立射庭所

法師祝香

此一炷香先天立本後地盤根景散十華上
徹森羅之境煙凝九炷下通冥漠之鄉普被
含靈徧周法界以今奉為齋官其人入齋普
為六道四生孤魂滯魄修設清淨無礙夜齋
焚此寶香供養

無極大道三境帝師至尊經實詣天上聖三
界真宰十鄉威靈伏願兼尊凌空射祥雲而
下鑒傾光迴駕泛瑞霽以來臨見前受度衆
靈凝神滌慮念道歸真頓悟宿因俾塵緣之
永斷薰陶法澤和覺性之本空直須目見耳
聞鼻通心解三塗五苦不離清淨之想六趣
九幽盡屬光明之界永除染著俱獲道遙稽
首皈依無極大道

吟普獻頌

普獻無邊聖 香煙散十方 願成七寶臺

垂光五濁世 運慶天人衆 咸奉上法橋

同會至無為 勤修不退轉

特化身為救苦天尊 廣舉為救苦真人 解
所為三層寶蓋 射中紅紫光 照上冲天際 監
照前史聖社神用四方守衛 如法次存三寶
上帝太極應尊十方救苦真人 日月生真三

界主宰金童玉女 靈官功曹
科吏一一分明 然後上啓

具法位 臣某焚香上啓

妙無上帝自然元始天尊無上道寶妙有上

帝虛皇玉宸大道君無上經寶至真大帝萬

變混沌玄元老君無上師寶東極太乙救苦

天尊十方尋聲救苦天尊五老上帝三十二

天帝君日官太陽帝君月官太陰皇君五方

五德五星君北斗七元星君南斗六司星君

靈寶經籍度師真君玄中大法師君三天大

聖師君太極仙公真人三省五府真宰虛空

監察香官使者當境土地里域真官三界應

感一切威靈 巨闢六道循環未離輪迴之海

四生飄浪難超解脫之鄉河沙十類之魂長

夜九泉之魄展轉受報脫化無期嗜慾重而

飢渴生神智昏而愛惱集一沉苦趣永隔陽

飢渴生神智昏而愛惱集一沉苦趣永隔陽

光非憑三洞之真詮莫述九泉之生路玄真
哀憫大道垂科開夜齋普施之門度苦海流
吹之識慧光照燭攝化億千法力加持徧周
法界巨今奉為齋官某薦在會東旁及
六道四生孤魂滯魄開建无上黃籙大齋用
資超度恭取今宵普設太上慈悲無遮無礙
廣大平等清淨斛食一筵先用供獻十極十
華三元三界飛天大聖應號慈尊日月星辰
江河海嶽泉野土壘一切咸靈共賜鑒同
垂證度三華寶曜錫三景之明輝八會靈華
集八天之梵炁降流壇場之內權假法食之
中俾六道四生一切孤魂等果享食承供六
欲靜而百體豐聽法聞經一性因而萬神集
惡根滅對業道停輪成登自在之天長處福
堂之界巨無任激切懇禱之至

當職道士酒淨祝曰
冷冷甘露饌 法味難思議 齋香繞七珍
冥冥何所疑 受此法食施 生天登紫微
悲夫長夜苦 熱惱三途中 猛火入咽喉
長生飢渴念 一洒甘露雨 如熱得清涼

神魂生大羅 潤及於一切
自然天廚食 法味難思議 普濟六道中
鬼神未濟者 晝露甘露味 咸皆得飽滿
於此妙會中 遍及於一切 生天登紫微
上昇清都官存天門金先道炁百千萬重輝
之中映徹內外太上三身青玄上
帝十方衆聖在空玄中為作證盟

請三寶 按人各恭信
法師白云

希夷莫測獨居象帝之先恍惚難明肇自太
初之始剖分一炁開張萬真惟大道之尊崇
作衆生之恃站以今嚴陳淨供式闡玄科冀
道寶之垂慈俾幽靈之受度仰希昭鑒俯賜
證盟法衆虔誠志心奉請

知職道士舉

志心奉請十方道寶降臨壇所

皈依无上道 至真大慈尊 普願諸衆生
咸證無爲果

法師白云

琅書玉宇空生自然之先金簡瓊章悉結飛
玄之始保制劫運齊植神靈惟三洞之尊經

作十方之真實以今嚴陳淨供式闡玄科冀
經寶之垂慈俾幽靈之受度仰希昭鑒俯賜
證盟法衆虔誠志心奉請

知職道士舉

志心奉請十方經寶降臨壇所

皈依玄元始 三十六部經 普願諸衆生
得入三乘道

法師白云

分身下化為生死之津梁立法度人作真仙
之梯磴汲引四輩開導三乘惟德劫之真師
實人天之慈父以今嚴陳淨供式闡玄科冀
師寶之垂慈俾幽靈之受度仰希昭鑒俯賜
證盟法衆虔誠志心奉請

知職道士舉

志心奉請十方師寶降臨壇所

皈依玄中主 大慈無上師 普願諸衆生
常聞師寶訓

願汝皈依無上道
願汝皈依無上經
願汝皈依無上師 不可思議功德

法師答曰

至心奏啓

東極宮中大慈仁者尋聲赴感太一救苦天尊
 尊臣聞奏悉眾功太上著慶生之典尋聲赴
 感慈尊標救苦之名威神遍滿於十方誓願
 普拔於一切俾承道力得離迷塗臣今伏爲
 齋官某正薦亡親某乙在會衆現開建无上黃籙大齋
 恭取今宵普設六道四生孤魂滯魄無遮無
 礙廣大平等清淨斛食夜齋一筵伏望大慈
 特回真馭錫之景曜燭以威光救慶雲以開
 生施祥煙而塞死還將上天之氣濟此九幽
 之魂寶號稱揚三塗聞知而離苦靈章誦詠
 六道受度以超凌仰賴至仁俯垂洞鑒再懇
 清衆請爲讚揚

太一救苦天尊四拜

誦救苦經一遍

存五色光明現於東方圓像如月暈之狀
 徧照天上地下十方世界無不洞明中有
 青玄上帝頂俯仰碧玉冠水飛青翠羽離
 羅帔左手擎碧霞琉璃寶鏡右手執空青

羽枝坐九色九頭獅子金翠蓮花之座獅
 子口中各吐火燄圍繞身光天專於光燄
 中別有九色圓像如虹蜺項有圓像如日
 從太一八十一神左右二真人天丁力士
 青玄功曹黃籙童子玉女神王頂出白毫
 慈光鋒芒外射如千萬鋒劍之像一分
 明統淨斛食

志心奉啓

三十二天帝君臣開元始開圖真陽布化雖
 資生於妙有實總悉於上元色界以還均爲
 輪轉福緣報盡則或代終惟八會之真文隱
 諸天之大梵功起萬品澤普九幽臣今伏爲
 齋官某正薦亡親某乙在會衆現開建无上黃籙大齋
 恭取今宵普設六道四生孤魂滯魄無遮無
 礙廣大平等清淨斛食夜齋一筵仰祈霄啟
 下鑿塵寰昭錫天光降流法食大千世界資
 梵炁以攝化無窮德劫沉埋仗真乘而受用
 充足庶俾元精之化育益增弘覆之高明清
 衆運誠同聲讚詠
 颯隱語一過結三塗五嶽印想道衆皆爲

真人同讚天帝君齊聲誦誦每一方畢存
 本方炁東九南三西北五條如數從各
 方來灌注斛食吹水盂中垂依前誦隱
 語一編存黃炁十二自五方來日月五星
 之光上引三十二天之炁交映羅絡灌注
 斛食再誦隱語三編存四方紅光罩壇良
 文混成五色虹蜺下注北身口五藏之間
 復觀爲一大圓象廣大覆蓋徧滿虛空此
 身如在日宮其斛食自一生二二生三三
 生九九九八十一攝化無窮徧滿十方自
 地至天廣大無量次沉變食符水盂中誦
 甘露通真呪三編師擊水盂以相枝旋遠
 徧洒斛食存青玄上帝同兆真人及官君
 等皆誦甘露真言洒其甘露香炁護郁徧
 滿充足

功德金色光 微微開幽關 華池流真香
 蓮蓋隨雲得 千靈重元和 常居十二樓
 急宣靈寶旨 自在天堂遊

次誦破鄴都地獄開業道呪三編道衆旋
 繞法師居位凝神存東北方鄴都九幽諸

大地獄等一切罪魂受苦萬狀次存此丸

中王清上帝御於寶座行持大法同此真人

等及靈官將吏皆誦破野都地獄開業道

呪良久上帝口吐九色慶雲紫炁金光直

指地獄照破重陰鐵城摧毀枷鎖解脫刀

劍變為青蓮鏡湯化為春圃重冥九地盡

為淨境所有罪魂並皆出離前詣壇下伺

候開度

茫茫鄧都中 重重金剛山 靈寶無量光

洞照炎池煩 七祖諸幽魂 身隨香雲與

定慧青蓮花 上生神永安

上來加持法食無量勝因用薦幽魂昇遷福

境汝昔大患為有此身身有飢虛以食為念

身今安在何以食為寒暑為苦以衣為念身

非汝有何以衣為以食以衣財寶為念飢虛

寒暑了不相關若財若寶亦將焉用六塵幻

妄種種歸空見前眾靈色身已滅猶有愛樂

念未斷耳汝能解空見性絕妄歸真不著有

無自然超脫如或塵根不斷業想未除見以

飢渴為苦者即饗我無碍甘露法食

十方救苦天尊

靈寶普度大齋施斛宣演法語儀

法師上香跪坐望見門

普告十方無極世界一切天人等眾一切飛

空大力鬼神等眾一切地獄苦魂等眾一切

畜生業累等眾一切無主孤滯等眾蓋聞善

惡二緣報殊苦樂死生異道隔以幽明汝等

繞捨陰身即淪鬼趣但知飢渴之逼執練枯

槁之餘况有受罪之苦現報塵障礙一萌中

心之食念業火熾然今者法會載陳幡花迎

召化茲妙淨之供濟汝苦饑之形汝等聞命

饗臻應時膺至愷言感饌慰若平生老幼勞

手而扶持少長差肩而先後無譁就列既飽

為期上承道法之慈悲普同供養下體齋修

之願力無有遐遺當與難過之懷勿生有限

之想歸依真道度脫此身捧腹相惟如有屬

餐之量有心愧似聞數息之音今為汝等

一切鬼神設無量齋加持法事

當職道士吟玉清慧命啟請法言曰

師上

稽首明慧虛無尊 稽首皈命重元主

裁成天地無德稱 悉為眾生作恃怙

慈濟五道轉輪魂 哀救三塗地獄苦

皈命金闕天中尊 皈命六度慈悲父

皈命玉清無上真 以離生死長綿綿

出有入虛無所待 能令枯朽變成仙

千劫萬劫難一遇 為眾廣說業因緣

迴骸起死永長存 使其形神無違遷出五

次施食

雲廚妙饌餽之者策景凌虛紫府靈文聽之

者成真得道今汝等鍊形濯骨攝系成人既

詣法筵各須需足奉為汝等上資往生仙界

念玉清甘露加持法食呪

稽首仰圓羅 合景抱靈芒 拘魂制七魄

思審定中央 行住禮虛無 寢息宴玄房

飢飡黃碧花 渴飲瓊根漿 神旌命大魔

合體鍊其光 復照觀太無 常在空中遊

圓通泯波濟 真化靡中期 宵眇無終始

行者當明知 寂寥忘理教 應運闡弘規

降道不自隔 要當先所施 會歸無二處

隨心自合離山止

金聲垂教玉洞流科垂濟死之津梁作昇仙

之梯磴須憑慧力出離迷途俾性智以圓通

得身心之清淨兼為汝等上資往生仙界念

三光法炁呪

浩晶生法炁 氤氳凝天中 兩曜共澄徹

五緯相交通 三光煥已明 寶氣盈三官

帝鄉會九老 咽服百體豐 金華照光景

身與日月同 念道上聖前 萬劫壽無窮

三光煥耀會九老於帝鄉五緯交羅樓萬神

於其宅嘍嗽玉體咀嚼靈芽九竅既已開通

百關當遂調理奉為汝等上資往生仙界念

三光流精呪

妙道分一炁 炁中分陰陽 凝化日月星

燦然流三光 九華舍九道 八色怡八方

煥爛洞真體 流精歸太茫 下生淵泉宮

上列無何鄉 縱體復飛跡 忽然都相忘

七寶流精潔 混沈雜華芒 咽服九雲散

此藥殊未央 法航接引度五苦之沉淪慧靈清涼躡三塗

之熱惱消除罪垢須仗其詮奉為汝等上資

往生仙界念三光澤嬰呪

玄絕九炁中 澤嬰生太無 營儀煥陽谷

結璘曜天衢 五星流寶光 斗極回乾樞

飛炁鬱勃散 咽御方踟躕 超跡天寶階

鍊芝服華敷 炁布萬神會 舉形升太虛

元始開圖真大現世慈尊接引勝範宣流以

能廣潤衆生故名甘露以能破除業障故曰

法言汝等久墮苦輪不聞正道由妄緣之假

合致本性之昏蒙欲超證於真常當返生於

魂魄奉為汝等上資往生仙界念玉清陰生

梵唱呪

靈芝無根 衆化之原 中凝七魄 上結三魂

二十四真 出入無門 杳冥之中 恍惚無精

隨劫存亡 逸炁而生 外凝渾樸 內養七經

五神植華 三台敷葉 紫闕素臺 返形歸要

騰雲而升 逞霧浮空 中有玉真 號曰神公

左扶無英 右衛白元 玄獸過後 丹禽擁前

上浮翠蓋 下湧金蓮 香雲疑空 甘露無窮

用之無盡 尋源不終

上來宣演靈音法契王匱玄章聲聞十極恩

周三界道悉隨呪下降思无符合周流既入

法食普令清淨待享之者障業永消五藏華

敷百關調理壽命無量形同太虛功德深重

不可思議各各當發大慈悲心普同一切悉

皆需足身心清涼無復熱惱身心飽滿無復

飢虛身心安泰無復憂苦身心解脫無復輪

迴苦樂福報者轉此以食普獻諸天乃至普

施一切孤窮使無障礙如是則為不負我十

方天尊廣度沉淪普救幽暗之意當願施者

受者俱沐道恩同臻福果今我天尊有破地

獄離苦升天神呪為汝衆等一心諷誦

功德不思議 行者生福報 施與法飲食

永生安樂處

上來施食已畢更當普為汝等說真實法依

憑修習用作津梁在昔空無始生三炁三炁

凝結而為三天三化為九九復生三三十六

天由茲分列下極九壘土水及風二十七重

更相持擊亦三十六上應於天復有元氣之

根包承無極兩儀既立人處其中因與天地

分氣而理氣有聚散物有生死從生入死萬物常然不死長生是為真道道分三洞教關三乘廣說因緣開悟群有天人神鬼皆可修習隨其願行各證果位積功為漸累德為基功滿德克身超三界三界天人壽考優劣一

一不同修行精粗一有異自微至著漸矣道真從凡人仙歷真成聖超此界者方入三清始登極果是為長生不滅之道也一切眾生迷於道真久習顛倒心想雜亂隨逐諸塵捨一取一無暫休止感於所有味於所無業累因緣以此而發招引罪垢歷世彌積輪迴三界漂浪忘返流轉五道長淪弗悟嬰抱痛毒不能自知大道流形品彙雜括氣不可極數難可窮死而復生幽而復明天地運輪如車之輪純一道炁本無生滅設為天人壽億千萬不明道本為欲所拘期盡有終復當退墮四生五道六趣三塗展轉輪迴無有息處若復汝等於諸法中生有見心捨於穢土求三清樂捨衆生身求真道相欲斷煩惱而入無為求難諸見乃得寂滅如是等相我說汝

等名大邪見譬如愚人畏於大地而欲走避所至之處不離大地衆生亦耳畏生死身疾捨三界有心厭離所得之身不離生死如是衆生未能見法一切衆生無明重暗真道在身莫能親見又如愚人東西馳走求覓空色而不能知卽色是空一切世間亦復如是心生馳走欲求道真不知身心卽是真道我今宣示汝等令知將來三清不離煩惱今知大道不在他方但觀身心修習正道自然解脫真道相者名為不作無起無滅非有非無非常非斷非大非小非色非心若能體此名為修習真道正行如上所說並是三洞真實法語可為一切天人鬼衆修正之階今依玄科普說淨供教弘至妙開化沉淪伏願汝等於此會中起皈依心行清淨行絕輪迴道超解脫門廣積善功進登道果復慮汝等不除三業尚蔽六情未契法言難超淨境思惟太上開濟無邊垂鍊度之洪儀說九真之妙戒防非護性攝氣歸真升魂九天超神三界當依科式次第宣傳少愆靈壇以需開度

次起立回向

向來設斛功德無量勝因資為衆靈成無上道為上因緣念大聖元始天尊太上大道君太上老君不可思議功德

次請降真水真火鍊度如儀

无上黃籙大齋立成儀卷之三十